



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Asiaticae Historiae Societatis Iesv Pars ...**

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

108. Neophytorum fortis libertas in fide.

**urn:nbn:de:hbz:466:1-10757**

lebat imagines foribus suis appendere; Christiani augustum Iesu no-  
men quale à nostris acceperant radiis coronatum, & venustate colo-  
rum elegans ædium suarum frontibus affixere, aspectu haud paulo  
graciori, quam fœdæ ex rudibus lineis & insulsæ simulachrorum for-  
mæ: vnde hoc item boni fluxit, vt eius nominis arcana, & causas  
multi docerentur, dum curiosius de re sibi tam noua interrogant.

Descendamus nunc Sciaoceum, Longobardi primum labores fructuo-  
sissimos inspecturi, & messem eius anni 1604. lætam; Deinde pericu-  
lum immane præcipitandæ in ruinam Sinensis totius Christianitatis.  
Nanquam in Europa Longobardus tantum viderat lachrimarum, quan-  
tum in suis vidit Neophytis, cum post habitam die sanctioris hebdoma-  
dæ sexto de Christi morte concionem, venerandam illis imaginem  
proculit Crucifixi, quod hic libenter eorum in gratiam memoro, qui  
pro sua in nos beneuolentia vulgarunt Societatis Patres Christum cru-  
cifixum nequaquam Sinis prædicasse, sed tantum ex mortuis rediuuum,  
& luce diuina fulgentem, quasi ab annis iam plus quinquaginta, orbis  
vniuersus libros non tereret, linguis omnibus excusos quibus varij  
euentus, & ei quem dixi consimiles narrantur, de Crucifixi apud Sinas  
veneratione, quasi à primis quoque temporibus profeminatæ illic Chri-  
sti patientis effigies non extarent, qualem ipsemet vidi, operis indocti,  
vt est Sinarum Typus, sed tamen Christiani? quasi Christianorum il-  
lic ædes, intus, & foris palam non paterent crucibus munitæ; quasi  
tot indidem à nostris Patribus meditationes, tractatus, & historiarum,  
Sinensi sermone non exissent, quibus prodantur splendide mendaces  
qui alienam famam inuidè macularunt. Sed Longobardi præclarum  
feriorem, patientia quoque robusta exereuit. Citatus ad tribunalia  
tanquam contractor idolorum, & Sinensium Deorum ad inferos dam-  
nator, frequenti Prætorio liberè respondit, debuisse idola destrui, quæ  
ab Neophytis eiorata, sibi tradebantur; nefas esse horrendum vni debi-  
tos Deo cultus; rebus creatis exhibere; nullam in iis Sinas Literatos  
diuinitatem agnoscere; quoties denique coram ludicibus hoc argumen-  
tum repetit, causam vicit. Mandarinus tamen in aula præpotens, quod  
primariam Reginam habuisset in mysteriis idolorum discipulam, ex-  
pellendæ regno nedum Sciaoceo Christianitati, formidabilem moue-  
rat, & instruxerat machinam; cum inexpectata Regis sententia ipse-  
met, in Hunanam insulam exul eiectus est; Deo peculiaris huius cu-  
ræ fiducia suos animante. Sub id tempus Pechino appulit integritatis  
summæ Mandarinus Sciaoceum, totam illam regionem administraturus.  
Sedenti in aula, Mandarinis, & populo conferta, in conspectum se de-  
dit Longobardus; obrulit Ricciij Catechismum; eo doctrinam contine-  
ri, quæ sola esset vera, & certissima salutis, magna voce magnoque  
spiritu affirmavit; quamuis esset idololatris aduersa. Experirentur se-  
cum ex iis si qui tantum auderent, disputando, docendo, auctoritati-  
bus, ratione, priuatim ac publicè utcumque mallent eam impugnare;

K κ

108.  
Neophyto-  
rum fortis li-  
bertas in fi-  
de.

109.  
P. Longobar-  
pro fide con-  
tra idol. pu-  
blicè agit.

110.  
Peculiaris  
Dei fauor  
pro Christ.  
contra pesti-  
mum hoste.